


Dr Ali KILIÇ

Paris 2-10-2009

ŞEİKH ABDULMELİK FIRAT BEG, Şİ HAQIA HU SER



Xevera şaé ma're amé. Va khe, torné Şeikh Said Efendié Pirany, wérézaé şehidé Dersîmi Şeikh Abdurrehim Efendi, Şeikh Abdulmelik Firat Beg, nêweşxane Angora'de roza 29 na asma paiza péene de şio haqia hu ser. Dest û paé mî şikiaî. Véré çimue mî bi tari. Dina bié bê veng û bê vaz. Mordemo hêf, mordemo çineviaé, mordemo zonaog, torné Şeikh Said Efendié Pirany, şî haqia hu ser. Bara yî kosavié adîr vo. Caé hu cennet vo. Ez têde tornê tortuné Şeikh Said Efendi're, tê de Malbata Şeikh 're domonu yi're tê de dost û toluvûne yî're, name kîrmancûne Dersim û Qoçgiri 'ra sareweşié wuazeme.

Mî, Abdulmelik Beg, Parlamento'ye Kurdistan'de Bruxelles'de nas kerd. Serdarê Parlamentoî, Yaşar Kaya Begî, ma seveta sazkerdena Konseye Zanistaia sîlaié kerdime. Uska têde meimanu, kirdasi qesei kerd, mî kirmançki-dîmîlî-zazakî, qesey kerd. Konferans khe qedia, Abdulmelik Beg, amé vîraé fişté mî'ra vake« Elî tu zazay temsil kerdi.» Ma juvinde derga derg qesei kerd. Mordemo de ewlia vi. Dodîma waxto hepîsxane'ra vejia, Neweşxane Amerika é

Konstantinoplî de vi, wu waxt mî cî're Paris'ra telefon kerd. Vake, « Eli tu zonena kam lewe mî dero?» Mî va “kerem ke Melik Beg” vake “Mebusé Dersim Qemer Genc lewe mî dero, wuazeno to'de qesei bî kero. Mî va, beno bîde mî. Mî Qemeri de qesei kerd. Qemeri va «bîra tu zone zof çıxaşî rîndek qesei kena, ez bérine tu bi ariné ta». Mî va «uo khe tu yena, mî bena welat tu uska'ra tu ve hu su Parlementoye tirkû de eve zone ma qesei bîke» Huais peskare ma bi. Abdulmelik Beg telefon guret vake « Eli ma khe qesei kerd ma erzene zere Qemer hao Qesei kerdo, nada faé beno khe yî berze zere» Bado, mî gereke Azadi sero Karzanistaé laze ape cî 're burusnene. Ni şî, dest nê kot.

Şeikh Abdulmelik Firat Beg laze Şeikh, Şahabettin Efendi o. Bakîl yî çena Şeikh Said Efendi Aşşan Hanımé'ra zewezai vi. Serra 1925 de taé gûle Çe Şeikh Said Efendi, dewelata tirkî berdi darde kerdi. Ayé bini, welate ma'ra surgun kerdi rusnai ğerve Tirkia. Ser'ra 1929 de Çe Şeikh, Şahabettin peiser cerai'ra, amei Xinus, uska dewleta kolonialista tirkia mal û mîlke yine destr'a gureti vi. Dî domone Şeikh, Şahabettinî, Omer ve Vecide amei vi dina. Serra 1934 de Şeikh, Abdulmelik Firat Beg amé dina. Serra 1935 çe Şeikh, Şahabettin, newde dewleta tirkî rusnai Kirklareli, qaza a Vize.

Waxto khe Şeikh, Abdulmelik Firat Beg mordem Ferzende Kaya'ra ho sero qesei kerdi vi, Abdulmelik Beg vativ” *çe ma serra 1935'de oncia eve*



zor rusnai Kirklareli. Ez wu waxt dî serri de vû. Dakîla mî ve Bakîle mî, ma're trajedia na tawî qesei kerdene. Roza ma khe, ma rusnai vime, ez dî serri de vû ne, lînge mî wuarwai û ruprupal vi. Mî serro pîreno de derg bi. Ma eve zor, ma Erzeroum'ra rusnai me, dewune Trakia. Çe ma, juvin'ra cera bîrnai. Leto zu rusna dewa Sergen, leto bin dewa Midye.” Apune mî na cerabîrnais qewul ne kerdi vi. Yîne vativ ma zu çe ime, ma wuazeme tê lewe de bî manime. Dewlete vatena yîne qewul ne kerde. Pêe cû gûle çe ma ami tê lewe.”

Perodaisê Dersim(1908) ve Qoçgiri(1921) têpia, dêmdaiskaria 1925, Mîstefa Kemal, qerar da, eskhere hu rusna Şeikh Said Efendi ser. Dewleta ingiliz û fransizu hete Mîstefa Kemal guret çekî, tairai roti Mîstefa Kemali.. Dewleta tirkî û Mîstefa Kemalî her taw zur kerd, vatene Ingilizistan pê deste

kîrmancû gureto. Na zure Mistefa Kemalî rapore Kolonele fransizi Sarrou⁽¹⁾ rînd keno pûç « *verva saré wederdaéna Kurdistanî, tîrku eve filoé 8 tairu bomba kerdi, eve miralyozu perodaiskarê kîrmancu qîrkerdi. Tairune dewleta tirki 350 saate de 750 bomba este* » perodaiskarune welate ma ser. Kolonel Sarrou vano « *Mistefa Kemal 50.000.000 qerqesuni û miltralyozî û tairai hernai* » mîlete kîrmacî da qîrkerdene. Hozor mordem'ra jede, perodaiskari darde kerdi.

Kolonel Sarrou vano “ *demdaiskaria Kurdistan eve deste Khaled Bege Cibran, Youssiv Zia, Dr Fouad, Hassan Xeiri, Kémal Fevzi, Tejfik Beg, Şeikh Said Efendi, Abdel Kader, Seid Mohammed, Hoja Askeri, Tewfik Salih; Ismail Haqqi, Rechid Beg ame sazkerdene.*” 47 perodaiskaré dêmdaiskaria Kurdistan, Amed'de darde kerdi. Waxto khe Amed'de eştiv'ra daré tède pia qirai vi; vat vi” *wes vo Kurdistan, wes vo serxubiana kîrmancu*”. Şehidûne welate ma'ra, keşşî ne vake jî öcalan « *daka mî tîrka* » eve coamerdié roé hu da seveta azadia welate ma. Ewru Öcalan, pê dîme Mistefa Kemalî gureto, vano « *Mistefa Kemal'de dîsmenia kîrmancu çina* » (Abdullah öcalan *Yeniözgûrpolitika*, 12-10-2009). Ma no sene zuro gîrso? kamy amr da, 350 saate kîrmanci eve 750 bombaû dai qîr kerdene? 1000 mordem eve amre kamy dardé kerdi? 8758 dewî kamy riznai? 15206 cini, coaniki, domoni, mordeme kîrmancî Mistefa Kemalî ve hu qîr nê kerdi? Ma no sene zuro? Kamy amre Jenoside Qoçgiri û Dersim dai vi? *Mistefa Kemal'de dîsmenia kîrmancu esta, wu dismene Kurd û Kudistani o.*



Şeikh Saïd Efendi ve 47 perodaiskari roza 25 06 1925 Amed'de dardé kerdi

Çere tû Mezopotamia û Basra

Çore tu Qafîkaasia

Pers û Erav û Grek û Latinî

Tu sero ostoni fiştî vî xîlî

Dewleta Ali Osmanî jû jobina mîletî

Derd û ciran, xort û citkarî berdi qir kerdi

Zaf bê keşeni ame sarê tu ser
Eve hozorû milis, eskher rusnayî
Dewujî, qıslaci, cölegî, morevayî
Axlêrî, çeyen pêseyî, xanadanen mîletê kurdî
Juvîn'ra giredayî, berdî darde kerdi, qır kerdi
Zof çeneyî, zaf domonên qij, za çineviâyêyî
Juvîn' ra giredayî, berdî qır kerdî
Berdi vera sare bîrnayî.
Avê, hêgayî ramnayî,
cölegi, qıslaci, gurenayî
kam kê sare de we berdî qır kerdi
dodima koli bîrnayî, gemy wêsnayî
kou□ra, pulu□ra bîry qedenayî
pêyecû, zıft, osın, paxır, zern, şem,
peme, genim, cew, lazut, nuky, kuncî,
asm û roj, jede fire bôjune ma ont berd,
ont berd zern û şeme Kurdistanî.
Dora tipiya, name ma vurnayî,
qamçur guret ma'ra, eskher wuast,
zone ma dard we, roştâ ma kerde tari.
ma rai vıraştî bî, wî(yî) sera şî fêtêlayî
ma pirdî vıraştî bî, wî(yî) sera şî bover
ma da pêro guret, yî ma sero bî axayî.

î bî ospor, ma kerdime payayî
yî bî mirdi, ma bîme teverayî
ma uştime'ra hu ser, yî ma sero bî zulumkarî
yî koletikari, yî faşistên murdarî,
yî berdeştunên emperializmî
ma sero şindori bîrnayî. (Dr Ali KILIC)

Verva dewleta koledara Tirkia perodaise me cê nê vîşia. Serra 1925 'ra hata 1938 demdaiskaria welate dest guret. Bîraé **Sêx Said Efendî**, **Sêx Abdulrehim Efendi** û hevale yîye khe Suria 'ra Kotî'ra rayé, bêre Dersim'de verva Diktatoria Kemalîstî pêrodene, miyane Bêtlis û Diyarbekir de eskere fasiste Mîste tirki yî şehit kerdi vi, ma yîne Şehidê Dersim îlân keme



Sêx Abdulrehim Efendi

*Lilika Çime mi, Derezayé Ali ê Mirzaliye Silemani
 Sêx Abdurrahim, biraye ma, sevkane ma
 Hotay sere na'ra avê tu ama
 tu bia tever ama, welate mayê bin xete ra
 kerd top hewale huye perodaiskari seveta **dêmdaiskaria Dersimi**
 Tu bia tever ama , tu va " Miletê mayê Dersimî kote bine tengê
 Sîme tède piya pêrodime verva kolonializme tirkî
 Tu va " hevalene, çêûHê hu bijerene Sime pêrodime
 Brayê Sêyh Said Efendî, **Sêyh Abdulrehim Efendî**
 Dersim de adir khila, miletê ma, kirmancune ma
 qirkene Dewleta tirkî, tanq u top u tayrunê hu
 polat risnenera milete ma ser qirkene Sime pêrodime”¹*

Waxto khe Partia Demokratê verva rejime Kémalist kote weçintais, serra 1950 de serre Şeikh Abdulmelik Firat Begî kerd berjî ,u berd kerd mebusê Partia Demokrati. 27 Gulan 1960, diktatoria eskeria tirkia hokmate Adnan Menderes rizna. Şeikh Abdulmelik Firat Beg ve tê de parlamenteru'ra pia gureti berdi eşti zindane Yassiada. Uska, Dadgera Yassiada dardekerdena(idam) Şeikh Abdulmelik Firat Begî wuast; bado, ,Abdulmelik Beg ser û nem hepixane Qaiserî de mend. Vejia. Dodima, Adnan Menderes, Faruk Rüştü Zorlu darde kerd. Afkate Adnan Mendersi Husamettin Cindoruk vi. Diktatoria eskeria 1960, 5000 zavî, 235 generalî eşti tever. 3381 zavî taqaut kerd. Zindane Yassaida de Faruk Akyûz merd; Cemil Keleşoğlu hu darde kerd. Adnan Menderesi ki wuast hu darde bî kero. Dadgera Yaasida da 592 mordem itham kerd. Dadgera Yassiada 15 mordem're idam da, 31 mebus ceza hata merdene dê; 402 mebusî 2 serru'ra hata 20 serré ceza wuaste.



133 mebusu beraat kerd. Dadgere de 1086 sadei gost dai.

¹ Dr Ali KILIC

485 xanedane welate kerdi top berdi kerdi qampe eskeria Kabakyazi Şewaji.Ni ne'ra 55 Çei rusnai surgun. Name na kîrmancu:

1-İbrahim Abikoğlu, 2- Hacı Topo Aktoprak, 3- Zeki Bayar, 4- Faik Bucak, 5- İsmail Hakkı Bucak, 6- Hacı Ali Bucak, 7- Mehmet Cemal Bucak, 8- Mithat Bucak, 9- Hasan Abik Bucak, 10- Ali Abik Bucak, 11- Bekir Bucak, 12- Reşit Çeçen, 13-Mehmet Dal, 14- Abdulkadir Ekinci, 15-Abubekir Ertaş, 16- Mahmut Ertaş, 17- Bahattin Erdem, 18- Abdurrezzak Ensarioğlu, 19- Sait Ensarioğlu, 20- Şeyh Ali Fırat, 21- Şeyh Selahattin Fırat,



Kirmanci qampe eskeria Kabakyazi Şewaji de

22- Şeyh 22-Gıyasettin Fırat, 23- Şeyh Ahmet Fırat, 24- Mehmet Fuat Fırat, 25- Faruk Fuat Fırat, 26- Mehmet Emin Fırat, 27- Halil Fırat, 28- Ömer Fırat, 29-Gıyasettin Fırat, 30- Hüseyin İleri, 31- Zeynel Abidin İnan, 32-Mustafa Işık, 33- Kinyas Kartal, 34- Abdülbaki Kartal, 35-Hamit Kartal, 36-Bala Kartal, 37- Şeyh Mehmet Emin Karadeniz, 38-Cemil Küfrevi, 39- Zeki Cemil Küfrevi, 40-Abdülbaki Karakuş, 41- Feyzullah Keskin, 42- Mehmet Kayalar, 43- Abdullah Öztürk, 44- Ferzende Öztürk, 45- Osman Öztürk, 46- Köroğlu Öztürk, 47- Şamil Peker, 48- Sait Ramanlı, 49- Kubbettin Septioğlu, 50- Zeynel Turanlı, 51- Cafer Yağız, 52- Mecit Yalçın, 53-Derviş Yakut, 54- Kazım Yıldırım, 55- Süleyman Yıldırım.



Sarê mîlete Kurdistanî wes vo , Waire dina şah bîdo Sheikh Abdulmelik Beg ; Bara yî kosavié adîr vo. Caé yî cennet vo.



Cınaza **Sheikh Abulmelik Begi** roja 30.09.2009, çarşeme, saete 09.00 **Angora'ra** berde **Xinûs**, dewa **Qolhîsarî** uska Roja 01.10.2009, pîseme, badê nimeîê taştêrêî, **Qolhîsar** de defn bié.



Saré mîlete Kurdistanî wes vo.

Dr Ali KILIC , Paris 2-10-2009
